

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Broj: T04 0 KT 0056542 23
Zenica, 18.03.2024. godine

OPŠTINSKI SUD ZENICA

-Sudija za prethodno saslušanje-

Nakon provedene istrage, a na osnovu člana 45. stav 1. i 2. tačka h), člana 241. stav 1. i člana 242. Zakona o krivičnom postupku Federacije Bosne i Hercegovine (*Službene novine Federacije BiH*, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14)¹, p o d i ž e m

OPTUŽNICU

Protiv:

KOVAČEVIĆ NAJILA, rođen 1984. godine u mjestu Šerići, grad Zenica osuđivan presudom Općinskog suda u Zenici od 13.02.2020. godine za krivično djelo iz člana 358. stav 2. u vezi sa članom 28. i 31. KZ F BiH na kaznu zatvora u trajanju od 6 mjeseci, koju kaznu je izdržao dana 26.02.2022. godine, **Kovačević Najil je po Rješenju Opštinskog suda u Zenici od 29.12.2023. godine i Rješenju o produženju pritvora od 25.01.2024. godine u pritvoru do dana 25.03.2024. godine do 13,42 sati**

Što je:

1. Dana 27.12.2023. godine oko 10,50 sati, u mjestu Šerići, grad Zenica, u stanju smanjene uračunljivosti nakon što je prethodno narušavao javni red i mir u mjestu Šerići zbog čega su i upućeni policijski službenici PS Nemila M. H. i T. M., gdje su dolaskom na plato Autobuske stanice Šerići i zatekli osumnjičenog, a u kom trenutku na navedeni plato je dolazio H. S. sa suprugom H. S. u pmv marke „Audi“, pa kada ih je primijetio, upućivao im je prvo pogrdne riječi: „Jebo sam ti ženu i opet ću, ko što jebem ostale žene po selu, a potom je stavio ruku u džep i iz pantalona izvukao zatvorenu čakiju, te se obratio H.S. i H. S. ozbiljnim prijetnjama riječima: "Pobit ću vas, mater vam jebem, poklat ću vas", a kada su policijski službenici T. M. i M. H. pokušali da intervenišu i njima je uputio ozbiljne prijetnje riječima: „Pridite završit ću i sa vama, a dosta mi vas je, ne mogu vas gledati“, a potom ponovio još

¹ U daljem tekstu ZKP FBiH.

jednom uputio navedene ozbiljne prijetnje H. S. i S., svjestan da će na ovakav način ugroziti sigurnost kako H. S. i H.S .te da upućuje ozbiljne prijetnje službenim osobama koje obavljaju poslove javne sigurnosti, što je i htio, pa su navedene prijetnje kod H. S. i H. S. izazvale strah i osjećaj uznemirenosti, te ugrozile sigurnost,

2. nakon što se istog dana 27.12.2023 godine udaljio sa platoa Autobuske stanice Šerići u pravcu svoje porodične kuće u kojoj stanuje, u stanju smanjene računljivosti u istu ušao i zaključao se, a potom u namjeri da spriječi policijske službenike MUP-a ZDK K. E.i Š. A. u obavljanju poslova službene radnje pretresa porodične kuće u kojoj stanuje, koji pretres su trebali izvršiti zbog postojanja osnova sumnje da bez odobrenja drži vatreno oružje, na osnovu naredbe sudije za prethodni postupak Općinskog suda u Zenici, prijetio je da će upotrijebiti oružje riječima: „Priđite samo pičke jedne, neće se dobro završiti, neko će izgubiti glavu ako mi dođete na vrata", iako je znao i bio svjestan da na taj način sprječava službena lica u vršenju službene radnje, a što je i htio, pa nakon više izdatih naredbi od strane policijskih službenika Policijske uprave I, MUP-a ZDK da se preda i da izvrše službenu radnju pretresa, istima uputio ozbiljne prijetnje da će upotrijebiti vatreno oružje ukoliko se isti približe, da bi potom razbio staklo na prozoru drugog sprata, odakle je iz vatrenog oružja-lovačke puške serijskog broja ... registrovane na njegovog oca K. H., ispalio više hitaca prema vani, gdje se nalazio veći broj kako ovlaštenih službenih lica MUP-a ZDK, tako i mještana navedenog naselja, te parkirana službena vozila MUP-a ZDK, svjestan da na taj način može izazvati opasnost za život ljudi, te oštetiti tuđu stvar, što je i htio, kojom prilikom je pucajući oštetio službeno policijsko vozilo „Škoda Octavia“, registarskih oznaka: ... i to slijedeće dijelove PVC obloga prednjeg branika, PVC lajsna D branika, far D, nosač fara D, PVC ukrasna maska, krom ukrasna maska, hladnjak klime, hladnjak interkuler pričinivši štetu vlasniku vozila MUP ZDK u iznosu od 4.141,16 KM, da bi potom nakon višesatnog pregovaranja sa policijskim službenicima, bacio lovačku pušku kroz razbijeni prozor na drugom spratu, i istog dana u 16,20 sati se predao pripadnicima Specijalne policijske jedinice, nakon čega je lišen slobode i priveden u prostorije MUP ZDK PS Centar,

3. dana 27.12.2023. godine, u Zenici, u porodičnoj kući u kojoj stanuje u mjestu Šerići, u stanju smanjene računljivosti, suprotno odredbama člana 5. stav 1. tačke a), a u vezi sa članom 6a tačke a) i b) i u vezi sa članom 6b stav 1 tačke a) i b) Zakona o nabavljanju, držanju i nošenju oružja i municije ZE-DO kantona, iako je bio svjestan da nema odobrenje za držanje oružja i municije, kao i čija nabavka građanima uopšte nije dozvoljena, to i htio, pa je bez odobrenja držao:

- lovačku puška sačmarica (dvocjevka), marke „SUHL“, calibra 12/70, serijskog broja: ..., bez patrona u cijevi;
- dvanaest komada metaka/patrona calibra 12/70;
- dva puščana metka calibra 7,62x39 milimetara,
- tri puščana metka, calibra 7,9x57 milimetara,

- deset pištoljskih metaka calibra 9x19 milimetara,
- petnaest pušćanih metaka calibra 7,9x57 milimetara ,
- poluautomatski pištolj sa praznim okvirom marke "PIETRO BERETTA", „BREVETTATA GARDONE V.T. 1941-XIX“ calibra 9x9 milimetara, serijskog broja ...
- kožnu futrolu u kojoj se nalazi pištolj Crvena zastava CZ calibra 9 milimetara serijskog broja ... sa okvirom u kojem se nalazilo 9 komada municije 9 milimetara, kao i dodatni okvir za navedeno oružje – pištolj u kojem se nalazilo 9 komada municije 9 milimetara,

a koje oružje i municiju su istoga dana ovlašteni službenici MUP-a ZDK tokom vršenja uviđaja porodične kuće, pronašli i oduzeli.

čime da bi počinio pod tačkom 1. krivično djelo ugrožavanje sigurnosti iz člana 183. stav 2. u vezi sa stavom 1. KZ F BiH i krivično djelo „Napad na službenu osobu u vršenju poslova sigurnosti“ iz člana 359. stav 1. KZ F BiH, pod tačkom 2. krivično djelo „Sprečavanje službene osobe u vršenju službene radnje“ iz člana 358. stav 3. u vezi sa stavom 1. i 2. KZ F BiH, krivično djelo „Izazivanje opće opasnosti“ iz člana 323. stav 3. u vezi sa stavom 1. KZ F BiH, krivično djelo oštećenje tuđe stvari iz člana 293. stav 1. KZ F BiH i pod tačkom 3. krivično djelo "Nedozvoljeno držanje oružja i municije" iz člana 52. Zakona o nabavci, držanju i nošenju oružja i municije Zeničko-dobojskog kantona i krivično djelo "Nedozvoljeno držanje oružja ili eksplozivnih materija“ iz člana 371. Krivičnog zakona Federacije Bosne i Hercegovine, a sve u vezi sa članom 54. Krivičnog zakona Federacije Bosne i Hercegovine "Sticaj krivičnih djela".

Na osnovu člana 151. stav 2. ZKP FBiH predlažemo da sud prema osumnjičenom Kovačević Najilu produži mjeru pritvora iz razloga propisanih članom 146. stav 1. tačka c) ZKP FBiH, jer i dalje postoje razlozi zbog kojih je pritvor određen.